

东坡诗集注

卷

三三
九八

東坡先生詩集註卷二十八

題詠

中隱堂詩

岐山宰王君紳其祖故蜀人也避亂來長安而遂家
焉其居第園圃有名長安城中號中隱堂者是也予
之長安王君以書戒其子弟邀予遊且乞詩甚勤因

爲作此五篇

商老前地理志京兆尹縣十二其一曰長安高帝五年置惠帝初城六年成

去蜀初逃難遊秦遂不歸園荒喬木老堂在昔人非

仁子

丁令威云城郭雖故人民非
古詩云山川長是昔人非

鑿石清泉激開門野鶴飛

退居吾久念長恐此心違

次公此篇以言王君之祖自蜀而來長安也

徑轉如修蟒坡垂似伏鼇樹從何代有人與此堂高好

古嗟生晚

續韓石鼓詩嗟予好古生苦晚

偷閑厭久勞王孫早歸隱塵

土汗君袍

次公此篇以招王公之歸也劉安招隱士云王孫遊兮不歸又陸機詩京洛多風塵素衣

化爲滌

二月驚梅晚幽香此地無

堯卿此一句敘堂前景也蓋長安梅花最少而開又晚故

有是句韓退之詩二月初驚見草芽蓋氣候稍晚故凡開者皆晚不獨梅耳杜詩丹橘黃柑此地無依依

慰遠客皎皎似吳姝不恨故園隔空嗟芳歲徂春深桃

杏亂笑汝益羈孤

次公此篇專詠梅花也落句汝者梅花也杜甫決明花云涼風蕭蕭吹汝

急堯卿此託興也此地絕少而又開晚堂前乃有一株正當桃杏亂時則梅之羈孤可知矣蓋以桃杏喻小梅喻君子顏延之見其子峻立宅謂曰善爲之母令笑汝拙謝希逸賦云羈孤近進羈孤者清潔孤介不羣之

貌

翠石如鸚鵡何年別海壖

次公此篇專詠石也

來隨南使遠載壓

渭舟偏已伴喬松老那知故國遷

次公意者此石乃漢唐故苑中物所以云

耳金人解辭漢汝獨不潸然

續李賀有金銅仙人辭漢歌其序云宮官既坼盤仙

人臨載乃潸然泣下蓋漢武鑄金銅仙人捧盤承露魏明八年取歸洛也

都城更幾姓

次公西都賦曰三成帝畿注曰周秦漢也周之姓姬秦之姓嬴前漢都之姓劉前秦

據之姓苻後秦又據之姓姚唐都之姓李是為更幾姓矣

到處有殘碑古隧埋蝌蚪

崩崖露伏龜

信民夏英公竦古文四聲韻序曰科斗書古文也所謂蒼頡本體形多頭龜尾細腹

壯團圓似水蟲之蝌蚪也次公此篇專賦碑也科斗古篆字之一種退之有科斗書記伏龜所以載碑也堯卿

隋志五品以上立碑螭首龜趺

安排壯亭榭收拾費金貲岫嶠何須到

韓公浪自悲

續退之詩岫嶠山尖神禹碑字青石赤形

事嚴跡秘古莫窺道人獨止偶見之我來咨嗟涕漣而干搜萬索何處有森森綠樹猿猱悲

南溪之南竹林中新構一茆堂予以其所處最爲

深邃故名之避世堂

猶恨溪堂淺更穿修竹林高人不畏虎避世已無心

師晉

史郭文少愛山水游名山歷華陰之崖大辟山中窮谷無入之地倚木於柱苦覆於其上而居焉無辟鄣時猛

獸爲暴入屋害人而文獨宿十餘年卒無患害

隱几頽如病忘言兀自瘖

次公莊子

南郭子綦隱几而坐嗒焉似喪其耦又仲尼見溫伯雪子而不言

茆茨追上古

夏笠澤叢書苔

賦云茅茨上古枕於南朝祖可史記李斯言堯舜茅茨不剪

冠蓋謝當今曉夢猿呼

覺秋懷鳥伴吟暫來聊解帶屢去欲攜衾湖上行人絕

堦前暮雪深應逢綠毛叟扣戶夜抽簪

援皮日休詩劉根昔成道茲塢

四百年幾幾被其體號為綠毛仙次公唐大中年有禪師居南岳忽見一物綠毛厚體人行而前師曰爾何時至此其物曰爾知晉宋乎爾知姚泓乎我前泓也

石蒼舒醉墨堂

子仁蒼舒京兆人字才美善行草人謂得草聖三昧官為承事郎通

判保安庫嘗為丞相汲郡呂公微仲所薦不達而卒

人生識字憂患始

次公杜詩子雲識字終投閣

姓名粗記可以休

續項

藉學書不成其季父梁怒之藉曰書足以記姓名而已不足學請學萬人敵

何用草書誇神

速

厚杜詩醉歌行總角草書又神速世上兒子徒紛紛

開卷懔懔令人愁

次公張衡賦神

懔懔以疑愁

我嘗好之每自笑君有此病何能瘳自言其中

有至樂適意無異逍遙遊近者作堂名醉墨如飲美酒

銷百憂乃知老子語不妄病嗜土炭如珍羞

續柳子厚荅崔黯書

云凡人好辭工書皆病癖也吾嘗見病心腹人有啗土炭嗜酸鹹者不得則大戚觀吾子之意亦戚矣

君

於此藝亦云至堆墻敗筆如山丘

厚唐長沙僧懷素好草書棄筆堆積埋於

山下號曰筆塚

興來一揮百紙盡駿馬倏忽踏九州我書意造

本無法

師曹景宗為人自恃高勝書字不解不以問人皆以意造

點畫信手煩推求

胡為議論獨見假隻字片紙皆藏收不減鍾張君自足

續王右軍云吾真書過鍾而草故不減張僕以為真不如鍾草不及張見法帖懷素書鍾繇張芝也

下方

羅趙我亦優

援羅叔景趙元嗣與張伯英並時見稱於西州而矜巧自與衆頗惑之故伯英自稱

上比崔杜不足下方羅趙有餘

不須臨池更苦學完取絹素克衾裯

援張

伯英臨池學書池水盡黑家之衣帛必書而後練之

次韻子由綠筠堂

任熙寧元年戊申作

愛竹能延客求詩剩挂墻風梢千燾亂

堯卿宋子京詩概竹森烟燾

月影萬夫長

續杜牧晚晴賦竹林外裏今十萬丈夫甲刃縱縱密陣而環侍

谷鳥驚棊

響山蜂識酒香只應陶靖節會聽北牕涼

傅堯俞濟源草堂

堯卿堯俞字欽之孟州濟源縣有別業

微官共有田園興

續陶淵明歸去來田園將蕪胡不歸

老罷方尋隱退廬

栽種成陰十年事

續史記十年之計樹之以木

倉皇求買萬金無先

生卜築臨清濟

邦衡按洞天福地記濟瀆源出王屋山名沉水係清源王所理

喬木如

今似畫圖鄰里亦知偏愛竹春來相與護龍雛

續後漢方技傳

費長房以青竹杖投葛陂中化為龍厚盧仝詩萬籜抱龍兒孝祥襄汜記辛仲宣多植竹截竹為甕人問其故

東坡詩集卷之八

題詠

仲宣曰我性愛竹好酒
欲令此二物相並耳

越州張中舍壽樂堂

青山偃蹇如高人常時不肯入官府

子仁後漢逸民傳
龐公居峴山之南

未嘗入
城府

高人自與山有素不待招邀滿庭戶臥龍蟠屈

半東州萬室鱗鱗枕其股背之不見與無同狐裘反衣

無乃魯

續揚子薦匡衡於史高曰富貴在身而
列士不譽是有狐白之裘而反衣之也

張君眼

力虧天與

次公退之詩
文字虧天巧

能遣荆榛化堂宇持願宴坐不

出門

次公莊子漁父左
手據膝右手持頤

收攬奇秀得十五

子仁唐史
拔十得五才

多事少厭閑寂臥看雲烟變風雨笋如玉筋樵如簪強

飲且爲山作主不憂兒輩知此樂

續謝安嘗謂王羲之
曰中年以來傷於哀

樂與親友別輒作數日惡義之曰年在桑榆自然但恐
至此正賴絲竹陶寫常恐兒輩覺損其歡樂之趣
造物怪多取春濃睡足午牕明想見新茶如潑乳

刁同年草堂

不用長竿矯繡衣

續阮咸與叔父籍居道南諸阮居道北北阮富而南阮貧七月七日北阮

盛曬衣服皆錦繡燦目咸以竿挂大犢鼻於庭人或怪之荅曰未能免俗聊復爾耳

南園北第兩

參差青山有約長當戶流水無情自入池歲久醅釀渾

欲合春來楊柳不勝垂

次公杜詩白頭搔更短渾欲不勝簪

主人不用忽

忽去正是紅梅著子時

蘇州姚氏三瑞堂

姚氏世以孝稱任熙寧六年癸丑先生在杭州作

君不見董邵南隱居行義孝且慈天公亦恐無人知故

令雞狗相哺兒又令韓老為作詩

續董召南壽州安豐人家有乳狗出而求

食雞為拾蟲蟻以哺其兒兒不食焉則以翼覆之韓愈嗟哉董生行云壽州屬縣有安豐唐貞元年時縣人董生召南隱居行義於其中又曰嗟哉董生孝自慈人不識惟有天翁知生祥下端無時期家有乳狗出求食雞來哺其兒咏咏庭中拾蟲蟻哺之不食鳴聲悲全篇見退之文集

爾來三百年名與淮

水東南馳此人世不乏此事亦時有楓橋三瑞皆目見

安國吳郡圖經云楓橋在吳縣西九里

天意宛在虞鰥後

厚有鰥在下曰虞舜蓋姚氏所

出惟有此詩非昔人君更往求無價手

張安道樂全堂

次公莊子樂全之謂得志

列子馭風殊不惡猶被莊生譏數數

續莊子逍遙篇曰列子馭風而行冷

然善也旬有五日而後返彼於致福者未數數然也

步兵飲酒中散琴

厚晉阮籍傳籍本有

濟世之心屬魏晉之際天下多故名士少有全者由是不與世事遂酣飲為常聞步兵厨人善釀有貯酒三百斛乃求為步兵校尉援嵇康傳康為中散大夫彈琴詠詩自足於懷著琴賦見於文選於此得全

非至樂樂全居士全於天

次公莊子聖人全於天

維摩丈室空脩

然

續維摩經言舍利佛來見其室中無有牀坐維摩見神通力須彌燈王遣三萬二千師子座來入維摩丈

室

平生痛飲今不飲無琴不獨琴無絃

厚陶潛蓄素琴一張徽絃不具

每撫而和之曰但識琴中趣何勞絃上聲

我公天與英雄表龍章鳳姿照魚

鳥

援嵇康土木形骸不自藻飾龍章鳳姿天質自然

但令端委坐廟堂

次公晉謝鯤曰

端委廟堂使百寮任職則臣不如庾亮一丘一壑自謂過之

北狄西戎談笑了如今

老去苦思歸小字親書寄我詩試問樂全全底事無全

何處更求虧

張寺丞益齋

張子作齋舍而以益爲名吾聞之夫子求益非速成

續子

曰非求益者也欲速成者也

譬如遠遊客日夜事征行今年適燕薊

明年走蠻荆東觀盡滄海西涉渭與涇歸來閉戶坐八

方在軒庭又如學醫人識病由飽更風雨晦明淫

厚左傳天

有六氣淫生六疾陰淫寒疾陽淫熱疾風淫末疾雨淫腹疾晦淫惑疾明淫心疾

跛蹙瘖聾盲

虛實在其脉靜躁在其情榮枯在其色壽夭在其形苟

能閱千人望見知死生爲學務日益此言當自程爲道

貴日損此理在旣盈

次公老子爲學日益爲道日損

願君書此詩以爲

益齋銘

杜介熙熙堂

堯卿介
字幾先

崎嶇世路最先回窈窕華堂手自開咄咄何曾書怪事

續殷浩雖被放黜口無怨言但終

熙熙長覺似春臺

厚

日書空作咄咄怪事四字而已

子衆人熙熙如享

白砂碧玉味方永

援韓湘詩琴彈碧玉調爐養白砂

師神仙殷七七詩琴彈

黃紙紅旗心已灰

續樂天詩紅旗破賊非吾

事黃紙除

遙想閉門投轄飲

厚前漢陳遵嗜酒每大飲賓客滿堂閉門取客車轄

投井中雖有

鷗絃鐵撥響如雷

援唐賀懷智以鷗雞筋作琵琶絃用鐵撥彈又

唐僧善本下

撥一聲如雷

雪齋

杭僧法言作
雪山於齋中

君不見峩峩山西雪千里

次公宋玉招魂云層冰峩峩飛雪千里

北望成

都如井底

續唐史李德裕曰維州南界江陽岷山連嶺而西不知其極北望隴山積雪如玉東望成

都若在井底

春風百日吹不消五月行人如凍蟻紛紛市人

爭奪中誰信言公似贊公

次公唐大雲寺主謫在秦州老杜爲之往還所謂與子成

二老來往亦風流者此也又云贊公釋老學佛以治性

人間熱惱無處洗

倬華嚴經云以

白旃檀塗身能除一切熱惱又樂天詩旣無白旃檀何以除熱惱

故向西齋作西峯我

夢扁舟適吳越長廊靜院燈如月開門不見人與牛

次公

此卽禪頌所謂倏忽人牛俱不見者也

惟見空庭滿山雪

言師有詩見寄云林下閑看水

牛牯

王鞏清虛堂

次公晉阮瞻字千里清虛寡欲自得於懷定國名堂蓋取於此非止言景

物之清

虛也

清虛堂裏王居士閉眼觀心如止水

厚莊子莫鑑於流水師傳燈錄法服

禪師居牛頭山唐正觀中四祖入山見師端坐自若祖問曰在此作什麼師曰觀心

水中照見萬

象空敢問堂前誰隱几

續莊子南郭子綦隱几而坐顏成子游侍於前曰何居乎形固

可使如槁木心固可使如死灰乎子綦曰今之隱几者非昔之隱几者也

吳興太守老且病

堆案滿前長渴睡

次公杜詩簿書堆案來相仍

願君勿笑反自觀夢

幻去來殊未已長疑安石恐不免

續謝安妻劉惔妹見家門富貴而安獨靜

退乃謂曰丈夫不如此耶安掩鼻曰恐不免耳

未信犀首終無事

厚史記陳軫謂犀首曰公

何好飲也曰無事也曰吾令公厭事可乎

勿將一念住清虛居士與我益同

耳

趙閱道高齋

沈冷齋夜話云趙閱道休官歸老三衢作高齋而居之與鍾山佛慧禪師

爲方
外交

見公奔走謂公勞聞公引退云公高

堯卿趙清獻公年未七十告老于朝

不許請之不已元豐二年二月加太子少保致仕年七十二矣退居于衢有溪石松竹之勝東南高士多從之游朝廷有事郊廟再起公侍祠不至其子玘通判温州從公游天台鴈蕩吳越間榮之玘代還朝見上顧問公甚厚以玘提舉浙東西常平以便其養玘復待公游杭始公自杭致仕杭人留公不得行公曰六年當復來至是適六歲矣杭人得公如見父母以疾還衢公心底處有高下夢幻去來隨

所遭不知高齋竟何義此名之設緣吾曹公年四十已

得道俗緣未盡餘伊臯

次公伊則伊尹臯則臯陶言尚餘經濟之具耳倬圓澤謂李生

曰俗緣未盡慎勿相近

功名富貴俱逆旅黃金知繫何人袍超然

已了一大事

次公一大事卽禪家所謂了生死之說

掛冠而去真秋毫

厚南